

AKASHVANI AIZAWL

REGIONAL NEWS BULLETIN

AKASHVANI AIZAWL

- 1. Furpui thleng chho mekah Mizoramah tun dinhmunah tuialhthei a thleng tha rih .
- 2. Indian Meteorological Department Aizawl in khawchin a thlirlawk danin tun atanga darkar 24 chhung hian state chhungah ruah a tlak zui rin a ni.
- 3. Sikkim chu ramchhungah percapita income-a tehin state hausa ber a ni.
- 4. India leh New Zealand te chuan an thawhdunna chu Strategic Partnership-ah an hlangkai.

<><><>

OIL SUPPLY

Furpui thleng chho mekah Mizoramah tun dinhmunah tuialhthei a thleng tha rih tih Indian Oil Corporation (IOC) Limited Deputy Manager (Aizawl) Pu Z Lhungdim chuan a sawi.

Vawiina Akashvani News in a kawmnaah he thu hi sawiin Pu Z Lhungdim chuan fur ruahtui tlak tam lai ni mah se tun dinhmunah chuan tuialhthei a lo luh that pangngai thu a sawi a. Leimin hrang hrang avangin chhim lamah harsatna tlem a awm tih loh chu Silchar atanga lo kal tuialhthei phur te’n harsatna an tawh loh thu a sawi a. Khawthlang rama Strait of Hormuz dan avanga harsatna awm ve deuh thin pawh a tlang tawh avangin tun dinhmunah harsatna han sawi tur a awm tawh loh thu a sawi a ni.

Byte of Z Lhungdim

Akashvani News in Lawngtlaia tuialhthei zuarte a kawmnaah Mavula Filling Station enkawltute chuan fur khawchhia avangin leimin awm mah se tuialhthei dahkhawlsa bakah tuialhthei phur thleng sa la a awm nual avangin tun dinhmunah chuan harsatna a awm loh thu leh ngai anga tuialhthei hralhchhuah reng theih a nih thu an sawi a a ni.

Hindustan Petroleum lam hotute chuan an tuialhthei phur kawnga tang an awm thu sawiin hetihrial hian stock an la neih that thu an sawi a. Leiminin a nghawng tih theih turin lirthei veivak erawh a tlem deuh thu leh tuialhthei lei tur pawh nidang ai chuan a tlem viau thu an sawi bawk a ni.

<><><>

PHE

Public Health Engineering (PHE) Department hotute chuan fur ruah tui tam zelah tui lian leh tui nu avangin nidang angin tui an pump tam theih loh thu an sawi.

Akashvani News in a kawmnaah he thu hi sawiin PHE hotute chuan mipui hnena sem tur tui chu an pump reng tho a, amaherawhchu tui a nut nasat avangin phase 1, 2 leh 3-ah te tui pump a khaihlak ve hret thin an ti a. Mipui mamawh tawh tur chu awm thoa an hriat thu sawiin hetihruah hian tui pump nidang aia a tlem chhoh deuh avangin mipuia semchhuahah pawh khaihlak tlem azawng chu a awm lo thei lo tih an sawi a ni.

PHE hotute chuan mipuite chu thal lai anga mangang lutuka an awm an hriat loh thu sawiin fur khua te a nih avangin mi tam takin ruah tui khawh nachang te an hre tawh tih an sawi a. Ruah tui khawh chu department in an ngaihpawimawh thu sawiin ruah tui khawh tura inzirtirna chu kawng hrang hranga an kalpui reng thil a nih thu an sawi a. Mipuite chu ngaihpawimawh tura an duh thu an sawi bawh a ni.

<><><>

IMD WEATHER

Indian Meteorological Department Aizawl chuan khawchin a thlirlawh danin tun atanga darkar 24 chhung hian Aizawl, Lunglei, Siaha, Champhai, Kolasib, Lawngtlai, Mamit, Saitual, Khawzawl leh Hnahthial District hmun thenkhat ah Ruah sur leh Tek tla awm thei a ni, a ti.

(BYTE)

Tuna fur ruahtui tla hi state chhung chhim lam chuan an tuar nasaa, Lunglei Dist Bualte daiah hmun 2 ah nasa tak in a min a, theihhtawp a thenfai hnathawh niin tukin dar 9:30 khan motor te kal tlang tir a ni. Motor lian erawh kaltlang tir a ni lova, Bualte kgawchhungah thahnem tak an la ding a ni. Leiminna vel dinhmun a thil awm dan vil turin Dist.thuneitu te chuan Quick Response Team atangin mi 2 tlaivar in an duty tir a,a nni hian DM& R lamah report an pe reng a ni.

Kan corr report ngaithla ang.

VC -Bualte daia kawngpinga khualzin tangkhang te hi YMA ruahmanna angin zopa thlen in ang in in hrang hrangah thlen tir an ni a, driver engemawzah mahni motor a riak an awm a, chaw erawh YMA Hall ah a huha ei tur siamsak an ni.Tangkhang zingah hian hnamdang motor khalhtu engemawzah an awm a ,Nizan khan Bualte khuaah mi 300 vel an tangkhanga,Thualthu khuaah mi 100 vel leh Tawipui South khuaah mi 50 vel an tangkhang a ni

Hetihlai hian Bualte leh Tawipui South inkarah leimin engemawzat a awm belh leh a, Tawipui North I,II leh South khua YMA kaihhruaiin chhawmdawl hna thawh mek a ni a, nichin lawk khan a tlang a, Tawipui South hnaih lamah ruah a sur zel anih chuan kawng bal mai thei tur pawh a awm nual niin Tawpui South atanga thudawnna chuan a sawi.

Lunglei South MLA Pu Lalramliana chuan a bialchhung leimin avang mikhual tangkhang te ei in siamsak khua Hrangchalkawn leh Thaizawl khua te chu tanpuina pawisa fai vawiin khan a hlan a. Bualte leh Thualthu inkar leimin avang hian mikhual tamtak an tangkhang a, Chhim lam pan lirthei chu Bualte khua hian

anlo dawnsawn vek avangin Thaizawl khua te hian chaw ei te siam sak in theihtawpin anlo dawngsawng a, an inhnawh tawng zel avangin Hrangchalkawn lamah lo tih din an ni bawk a, heng lirthei an tih din te hi Hrangchalkawn YMA te chuan ei in an lo siam sak bawk a ni.

LMC Councillor Pi Judy Lalhriatpuii pawhin Hrangchalkawn YMA te hi tanpuina pawisa a hlan ve bawk a ni.

Lawngtlai leh Kawlchaw inkar National Highway 02 atanga Paithar tlangdung panna kawng NCV Road siam tura Sawrkar ah an beidawn hnu in vawiin khan Rulkual VC te hmalakna in kawng chhelai siam leh leimin tihfai hna thawh a ni a.

Kan corr report ngaithla ang.

VC

NCV Road hi National Highway atanga Rulkual thleng Km 20 vela thui niin, khawtlang hruaituten helai kawng siam tha tur hian PWD ah an lo thlen tawh thin tih an sawi a, helai kawngin a paltlang Saikah, Paithar leh Rulkual khawtlang hruaituten theihtawp chhuaha Sawrkar an nawrna pawhin awmzia a neih loh avangin, vawiin khan Rulkual VC ten hlawhfa la in, kawngpui khuar laite hnawhin, kawngkam hnimte samfai ani. Kawngchhak leiminin kawng a hnawh pawh khawl hmangin in paihfai a ni bawk.

NCV kawng hi hun rei tak enkawlzui anih loh avang leh fur ruahtui a tuar tam tawh avangin a thalo hle tawh a. Sawrkar lam pawhin ngaihven rang se an duh thu Rualkual VC te chuan an sawi.



MIZO TAXI APP

Mizorama taxi hrang hrang hruaitute chuan MizoTaxi app hman meka an duh loh thil te sawipui turin Chief Minister hmuh an tum a, an la nghah mek thu an sawi.

Vawiina Akashvani News in a kawmnaah Mizoram Taxi Association President Pu K. Lalrinliana chuan lirthei hmanga eizawng taxi pawl pathum hruaitute chuan Chief Minister hmu turin appointment an dil a, an duh anga rangin an la hmu thei lova, an hmuh veleh Chief Minister chu an harsatna sawipui an tum dawn a ti a.

Pu K. Lalrinliana chuan Chief Minister hnenah hian MizoTaxi App a hman tur rate ennawn chungchang te, a app chhunga belhchian dawl lo leh siamthat ngai nia an hriat bakah an harsatna hrang hrang thlen an tum thu a sawi a. High Court-a khin a tum chu Chief Minister hmuh phawta, chuta an inbiakna azirin hma lak zel an tum thu a sawi bawk a ni.

Byte of K. Lalrinliana

Kan corr report ngaithla ang.

VC

MizoTaxi app hmangtu taxi te chu nimin atang khan thla thar ni 10 thleng tlanloh ni nei lovin an tlan tan a. Department atanga thudawn danin MizoTaxi App-a in ziaklut hi 849 an awm tawh a, inziaklut te hi lirthei ke li nei taxi 231, ke hnih nei taxi 603 leh autorickshaw 15 a ni.

Mizotaxi App hnuaia inziahlul theih hun hmasa chu July ni 1 khan tihtawp lailawk a ni a. Inziahlul theih hun chhunga inziaklut ve hmanlo te atangin inziahlul hun hawng leh tura ngenna a awm avang leh document clear loh avanga online dilna pending, hun tiam chhunga clear hman lo te an awm avangin Mizotaxi App hnuaia inziahlul hun chu July ni 31 thleng hawn belh leh a ni. Hun hawn belh chhung hian Aizawl khawpui chhunga 2 - Wheeler Taxi, 4 – Wheeler Taxi leh Autorickshaw te chu in register theih a ni a. Registration hi Mizotaxi Office, Chaltlang ah emaw online kaltlangin tih theih a ni a, lirthei document update lo chu register theih a ni dawnlo niin thuneitute chuan an sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

SIKKIM

Sikkim chu ramchhungah percapita income-a tehin state hausa ber a ni. Sum laklul dan tehna thar berah Sikkim hi percapita income hi kum 2024-25 ah cheng nuai 6.46 a ni a. Rampum huap chawhrual aiin a let thumin a tam zawk a ni.

<><><>

INDIA-NEW ZEALAND

India leh New Zealand te chuan an thawhdunna chu Strategic Partnership-ah an hlangkai. Ram pahnih te hian kum khata an sumdawnawanna hlut zawng chu kum 2030 ah chuancheng vaibelchhe 35,000 tling turin kum nga chhung hmachhawp an siam bawk a ni.

Prime Minister Narendra Modia chuan vawiin khan ram pahnih aiawh inbiaknaah hian thu sawmin New Zealand a tlawh chu hun chhinchhiahtlak tak anih thu leh ram pahnih inzawmnaah phurna thar a siam dawn a ti a. India leh New Zealand-te chuan Indo-Pacific-a remna, muanna leh venhimna kawngah hna pawimawh tak an thawk a ni a ti bawk.

Pu Modia hian ram pathum Indonesia, Australia leh New Zealand a tlawh chu vawiin khan khar felin India panin a rawn let leh tawh a ni.

<><><>

FIFA

FIFA World Cup 2026 khelh mekah naktuk zing dar 2.30 ah Quarterfinal hi khelh chhonzawm a ni dawn a. Team ngaihven hlawh ber pawl England leh Norway an inkhel ang a. Zing dar 6.30 ah Argentina leh Switzerland an inkhel leh bawk ang.

<><><>